

BONDI MANÚICOR UORE BORO ADALOT KEÍSOR ASÓR

BORO ADALOT E KI HOIYE?

Nowambor 8, 2023 ót, Australiar Boro Adalot e hóiyede nózana thaímor immigiricén bon (mesal hisafe, zeçe uggwá manúicor bon oibar hono cíima nai) gairkaanuni, ar Australiar hokumot e uggwá manúicore bongorí nófaré zodi ibare kessú háalót ókkolot Australia óttu lariféla nózai.

Adalotor keís yian uggwá bondi manúic loi aiccil, ziba lukaiya nam *NZYQ* or duara zanaza, ziba Borma decór uggwá wótoni sara Ruaínga refúji ó. Decór Dahelar Difarmen (Difarmen) e monzuróiyede *NZYQ* Borma dec óttu héfazot faibór hóta aiccil ar itare eçe waapesi gorí nófare. Difarmen e *NZYQ* ore larifélaibólla oinno dec tuai nófai, zianor harone itere Australia óttu larí nófaré.

Adalot odhargoijje de *NZYQ* ore sáridebó ar itar bondi 30 Mée 2023 óttu gairkaanuni aiccil.

28 Nowambor 2023 ót, Boro Adalot yíanor fáiselaókkol ólla haronókkol wazégoijjé.

YÍANOR DUARA AÑAR KI OIBÓ?

Boro Adalotor fúnanir cómot, Hokumotor ukílókkole icáragoijje de 92 bondi manúic okkol mumkín fáisela yíanor duara asórgoribó, ar cómbob 340 oinno manúic duk faibó. 15 Disambor 2023 hisafe, homsehom 149 manúic bondi óttu hálasóiyé. Bondi óttu aró manúicore sáridebóne yían baabote añara zoruri sáf zuab sáair.

Oñnore *mumkin* Boro Adalot or fáisela e asórgoribou zodi:

- Difarmen or duara héfazot faibabouli hóiyede endilla, Administrative Appeals Tribunal-TAT (Entezami Apil Adalot) yáto Immigration Assessment Authority - IAA (Imigiricén Gomhórafsóon Hókumot) ót oñnore fa zaile; YÁTO
- Oñne wóton sara oile; AR
- Australia hókumot e oñnore sammórttu hono harone larifélai nó faribó.

Boro Adalotor fáisela oñnore *namumkin* asórgoribó zodi oñne uggwá víza ólla dórhas goijjó (mesal hisafe. Héfazoti víza) ar Dífarmen, AAT yáto IAA or torfóttu fáisela ólla entezar goror, ar héfazot faibabouli hóiyede endilla hono agor Dífarmen/AAT/IAA er faisela oñnóttu naí.

HÓKUMOTOR DUARA FASÓIYE DE NOYA KÁANUN OR MANE KI?

16 Nowambor 2023 ar 6 Disambor 2023 ót, hókumot e noya káanun fasgoijje zian Boro Adalotor fáiselar harone bondi óttu hálasóiyé de manúic ólla lagibó.

Halasidiya manúicore laigga R vízaókkol (BVR) or fuañti aró corótókkol or duara monzurgora oibó, fuañti saktó repouthgoijja háazotókkol lagibo.

Negaranigorar zontro & kafyú zorurotókkol

Códarónbafé manúic eggwá kafyú or míkka mojburgoijja tákebó ar ekkan elekthroník negaranigorar zontro hamaha fínda foribó. Manúic e itarar BVR corótókkol hotaifélaibella hókumotore arósgoribar ekkan torika asé. Dífarmen e bortomane manúicore arós yían goribella itarar BVR monzurgorar taríkh óttu **28 dín** thaím diyé.

Kafyú ar negaranigorar zontro hothaifélaibó ne yíanor téés darmadar goré hoñtte BVR monzurgoragiyé yianor uore:

- Zodi BVR 7 Disambor 2023 or age monzuróilde ói, Hókumot óttu hamaha etminan owáforibó de manúic iba koum ót táka hótara nóoi.
- Zodi BVR 7 Disambor 2023 yáto tarfore monzuróilde ói, Hókumot óttu hamaha etminan owáforibó de Australia koum or hono híssar héfazot ólla corótókkol íin munaséf hisafe zorurót nóoi.

Kafyú ar negaranigorar zontor corótókkol BVR monzur oibar taríkh óttu **12 mas** ólla asórgore. Mogor, Hókumot e corótókkol íinor fuañti oinno BVR monzurgorí faré kiállahoile íin 12 mas óttubíci thaím loiyere asórgoribó.

Oinno BVR háalotókkol

Gurafua ar/yáto jinsí hámlar fuañti kessú hósuri ólla manúic hósurbon óile, itarar BVR or endilla corót tákibou de ziin e itarare koum or alokgorí kessú manúic or konték ót takattu rúkebó.

Kessú BVR háalotókkol nomanar zorimanaókkol

Zodi uggwá manúic e negaranigorar zontroókkol, kafyúókkol ar repouth baabote kessú BVR corótókkol nomane:

- Yían ekkan mujirim hósuri oibó, zétukkun foijjonto manúic ibattú munaséf bahána no take; ar
- Zodi nomana yían 1 din óttu bíci oile, fottí din nomanede manúic iballa ekkan alokalok hósuri hisafe gourgara oibó.

Zétukkun foijjontó ege ekkan munaséf bahána no táke, fottí hósuri ólla sañza oilde **homsehom 1 bosór or ziyól**, bicíttubící 5 bosór ziyól oitfaré.

Koumor Héfazoti Odhárókkol

Bondi óttu hálasfaiye hono manúic ólla Hókumot e ekkan Community Safety Order - CSO (Koum Héfazoti Odhar) ólla dórhas gorífare ziba:

- Australia yáto bidecót ekkan hótara façafáci yáto jinsí hósurit hósur bon oiye; ar
- Koumor hótara nuksan goribar ekkan maniluwa nózaide hendilla hótara dáhai.

Ege dui kisímor CSO ókkol asé:

- Koum Héfazoti bondi odhar - odhar yíanot uggwá manúicore ziyól ót raka lage; ar
- Koum héfazoti negaranogorar odhar - odhar yíanót soktó repouthgoijja corótókkol asé zíinor maze eggwá negaranigorar zontro, nizer ar combótti tua ar kafyúókkol maniluwa cámil óitfaré.

Uggwá CSO 3 bosór foijjontó dorhásgorí faré. Thaím yíanor fore, Uzir e uggwá noya CSO ólla dorhás gorífaré.

Ekzon manúic zehono diya thaímot sérof uggwá CSO manífaré.

Zendila káanunókkol noya, etollabouli CSO e kengorí uggwá manúicor BVR corótókkolor uore asórgore yían wazé nóoi.

Ahéri noyagoijjé: 15 Disambor

ZODI OÑNE BONDI TAKÓ (KOUUM BONDIR FUANTI)

Yían zorurí de Boro Adalotor fáiselar duara oñnore asórgorene yían zani loibella uggwá ukíl loi hótá hó.

Toiyar oibólla, oñne [an FOI request](#) ót arós gorifaró. Oñne zodi nizebaze ekkán FOI arós ólla káabiliyoti máasusgoró, toile oñnóttu nisor habosfonnaókkol ólla arósgora foribó (soiyí borabor cófdoókkol iín estemagori) 'Hizorót Káanun 1958 (Cth) (Migration Act 1958) or 198 mozin aínare Australia óttu larífélar kúic or taalukgoijja fáil nuth or fuañti laggaiya habosfonna (habos yáto elekthoronik)'. Oñne zodi nizebaze ekkán FOI arós ólla káabiliyoti máasusgori nófaille, méerbanigori sínta nógoijjó - yían ekkán cíz zeçe uggwá ukíl e oñnore modot gorifaré.

BORO ADALOTOR KEÍS OR HARONE ZODI OÑNE BONDI ÓTTU SÁARA FAILE

Oñnor háalot baabote káanuni mocuwara faibella uggwá ukíl loi hótahó, fuañti oñnor laigga R Viza háalotókkol ar háalotókkol nomanar notizaókkol, zeçe laazimí ziyól cámil táifaré. Faazade oinno modotókkol baabote añara maalumát cíargorá lagatar solaium.

Oñnor háalot baabote midhía/repoutarókkol loi hótá hóibar age káanuni sólla loibella añara oñnore mocuwara dir.

HOÇE AÑI KÁANUNI MODOT FAIFARÉ?

Yían zorurí de oñne ahálaki ar izzotola zoriyaókkol óttu mocuwara faiba. Oñne mana káanuni modot faibella nisor tonzimókkol loi kontek gorifariba, yían yíad raikko de oñnottú uggwá ukíl loi hótá hoibella noya bosór foijjontó entezar goraforibó kiállahóile Disamboror sés ar Januarír cúrut tonzim okkol ottu cíimar butore salahiyot tákibó.

Tonzim	Itara hontarére modot goré?	Konték tofsilókkol
Asylum Seeker Resource Centre (Tákibar-zaga Souya Zoriya Senthar)	Zodi oñne: <ul style="list-style-type: none"> Australiar immigiricén bon ó, YÁTO Victoria maze koum ót táko; YÁTO Kessú age Queensland yáto Western Australiar koumor bondi óttu sarídiyé; AR nizor decót waapesi oite nuksanor dhor lage 	E-meíl: legal@asrc.org.au . Méerbanigori nuthgoró añara sérof bondi asede manúicor emeíl or arósókkolor zuab dium. Fún yáto ciçi defeço: <ul style="list-style-type: none"> Ghondhaókkol: Cómbar, Mongolbar, Bicíbbar ar Cúkkubar beínna 10am - duniija 12.30pm (Buidbarókkol bon) Fún: (03) 9274 9889 Thíkana: 214-218 Nicholson Street, Footscray VIC 3011
Refúji Mocuwara Kéisham Sewáókkol (Refugee Advice Casework Service) (RACS)	Zodi oñne: <ul style="list-style-type: none"> New South Wales yáto Northern Territory or koum ót takó; YÁTO Yongah Hill Immigration Detention Centre ót bondi tako. 	E-meíl: admin@racs.org.au
Refúji Káanuni (Refugee Legal)	Zodi oñne: <ul style="list-style-type: none"> immigiricén bondi ó, YÁTO Victoria, South Australia ar the Northern Territory or koumor maze táko. 	E-meíl: admin@refugeelegal.org.au

Káanuni Modot NSW (Legal Aid NSW)	Zodi oñne: <ul style="list-style-type: none"> New South Wales (bondi yáto koum ót) táko; YÁTO bondi asó ar bondi oibar age New South Wales ót tákkila. 	Fún: (02) 9219 5790
-----------------------------------	--	---------------------

AÑI HOÇE OINNO MODOT FAITFARÍ?

Córkari-thíanfoisadiya sewá douyaókkol e manúicókkolore címar bútoe modot gorer zitara kessú age suiija, fuañti tortifdiye tóitta gór ar modot diye kiállahoile itara Medikíar (Medicare) (Séhetkiyar gólibólla) ar Centerlink ót dórhas goríbella. Oñne baitta-miyad SRSS (Status Resolution Support Services ólla - Háalot Fáisela Modot Sewaókkol) yó láaeki oiba.

Itara hondhoilla modot de yían zanibella oñne sewá douyaókkol loi konték gorífaró.

Zodi oñnottu foíla loti uggwá keishamgoróya táke, yían mocuwaradiya zadde oñne itara diya konték tofsilókkolot sída kontékgoró.

Tonzim	Konték tofsilókkol
Oñsáókkol Sara Zindegi (Life Without Barriers)	E-meíl: info@lwb.org.au Fún: <ul style="list-style-type: none"> Sunshine (VIC) ofís: (03) 9245 2701 Dandenong (VIC) ofís: (03) 8752 8500 Zoruri háalot ólla ofís thaim or fore (Hazinna 5pm óttu beinna 9am): 1800 861 862
Settlement Services International (Boicótigoróon Sewaókkol Alomi - SSI)	E-meíl: srss.intake@ssi.org.au Fún: <ul style="list-style-type: none"> Cómbar óttu Cúkkubar: (02) 9685 0100 Zoruri háalot ólla ofís thaim or fore (Hamor din 5pm óttu beinna 9am ar cútkirdin): (02) 1800 774 142